



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans**

**Kinckius, Matthias**

**Coloniæ, 1662**

Aliæ meditationes à nativitate usque ad septuagesimam,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

*Applicatio.*  Simili modo dignatur idem Dominus, etiamnum venire è cœlo, atque ingredi in pectus vilissimi hominutionis, atque ita, ut illud nobiliter effici atque alteram *Bethlehem, i e domum panis,* pane vitæ cor tuum roborans, ac desideria pia exsatians.

---

CAPUT VII.

ALIA MEDITATIO à NATIVITATE ad Septuagesimam.

**H**oc est secundum anni Ecclesiastici tempus, in quo Ecclesia 7. Salvatoris mysteria celebrat quæ immissa renovatur. His ergo meditandis te ipsum variè excitare poteris.

I. DOMINICA.

*De ipsa Christi nativitate.*

1.  *Confid.*  Quomodo Deus supremus eum seipsum mundo, uti toties promiserat, manifestare vellet, elegerit

R. 4

pau-



pauperibus panniculis involvi, atque in præsepio, animalium mensa, reclinari.

2. *Consid.* Quomodo Angeli è caelis magno numero procedente, Dominum suum laudibus ac cancticis celebrarint, ejusque ortum pastoribus nuntiarent.

*Applicatio.* Pari modo, nunc quotidie in missa Christus Dominus manifestat seipsum, reclusus atque involutus accidentibus panis & vini: atque ita in sacra altaris mensa reponitur, tanquam esca hominum futurus. Sed Angeli (invisibiliter licet) eidem assistunt, ac fidem charitatemque celebrantium excitant, de quo Ecclesia in præfatione canit: *Ut dum visibiliter Deum cognoscimus, per hunc invisibilem amorem rapiamur.*

## II. DIE LUNÆ.

### *De Circumcisione.*

1. *Consid.* Quomodo Christus post nativitatem non diu distulerit incipere mysterium salutis nostræ, suscepto sacratissimo Jesu nomine, quod *Salvatorum* significat.

2. *Con-*



2. *Consid.* Quomodo, ne gr̄tis officii sui possessionem adiret, primitias pretiosissimi sui sanguinis effuderit, præbens exemplum raræ humilitatis, patientiæ, obedienciæ, & charitatis.

*Applicatio.* Non ab simili modo in Missa, præstat etiamnum Jesu, sive Salvatoris officium erga fideles, applicans unicuique pretiosi sanguinis sui pretium, præbens exemplum raræ humilitatis, cum figuram ad eò humilem suscipit, *patientia* (in tolerandis injuriis quæ sæpè in hoc sacramento inferuntur) *obediencia* (dum quotiescunque panis à Sacerdote consecratur, præsens adest) & *charitatis*, cum ad eò profusè sese omnibus communicat.

III. DIE MARTIS.

*De Epiphania.*

1. *Consid.* Quomodo Salvator licet adhuc infantulus, ac in præsepio jacens, ostenderit omnipotentiam suam, ac GRATIÆ cœlestis efficacitatem, qua ex Oriente deduxit tres illos Reges, cum tanto fervore, ut se coram illo proster-

R. s.

nerent,

atque  
recli-

è cœ-  
Domi-  
cele-  
s nun-

otidie  
ifestat  
acci-  
o sacra  
m esca  
nvisi-  
fidem  
ieant,  
anic:  
, per

post  
ipere  
o sa-  
vato-  
Con-



nerent, & offerrent *aurum* tanquam Deo: *myrrham* tanquam homini mortali: & *thus* tanquam summo Sacerdoti.

2. *Confid.* Quanta lætitia SS. illi viri affecti sint. 1. videntes stellam, quæ ipsos deduceret, videntes puerum, quem à Spiritu sancto edocti, verum Regem agnoscerent. 2. audientes vocem Angeli monentis, ut alia via in patriam redirent.

*Applicatio.* In Missæ iridem sacrificio, suam omnipotentiam multis ostendit, efficitque, ut omnes fideles ac præcipuè Sacerdotes se coram illo prosternant agnoscantque sub parva hostia latentem verum Deum & hominem, simulque summum Sacerdotem, Ps. 109. *secundum ordinem Melchisedech.* Hinc etiam ex hac notitia offerunt ei tres ferventes affectus amoris, mortificationis, & orationis, expectantes ab immensa ejus liberalitate, ingentem retributionem, ac cœlestes inspirationes, quibus viam intelligunt, quâ ad patriam cœlestem per peccatum amissam revertantur.

I.V. DIE



IV. DIE MERCURII.

*De Presentatione in Templo.*

1. *Consid.* Quomodo Christus desideratus omnium, sese Patri æterno obtulerit, 1. in gratiarum actionem obcollata mundo beneficia, 2. ad placandam justissimam ejus iram, 3. ad consequendam pro omnibus copiosam misericordiam.

2. *Consid.* Quomodo idem Dominus, S. Simeoni seni, & Annæ Prophetissæ (qui magno ejus videndi desiderio tenebantur) sese manifestaverit, tribuens eis gratiam non tantum, ut cum lætitia agnoscerent, sed etiam aliis prædicarent.

*Applicatio.* In Missa pariter, idem Dominus quotidie se offert Patri cælesti. Hebr. 9. *Ut appareat vultus Dei*, pro nobis ad eosdem fines supradictos, nobisque, præcipuè Sacerdotibus, præbens lumen, ut agnoscant & benè vivant.

DIE

R. 6

V. DIE



*De fuga in Ægyptum.*

1. *Confid.* Quomodo supremus Dominus, *rectus nube candida* suæ humanitatis ut prædixit Isaias c. 92. 1.) suscepit longum iter ex Nazareth, *ut ingrederetur Ægyptum*, ibique tunc *commota sunt simul lacra Ægypti*, &c.

2. *Confid.* Quomodo idem Dominus cum suis parentibus, in terra illa sterili posuerit semina perfectæ sanctitatis, quæ postmodum exercuerunt, ac fructum copiosum tulerunt in tot myriadibus Anachoretarum, qui ibidem sanctissimè vixerunt.

*Applicatio.* Et nunc etiam in Missa idem Dominus longum iter suscipit à coelo in terram (quam vis tamen cælum non deserat, regens se ipsum accidentibus panis, & vini, ut in cordibus nostris vitia pepirus dejiciantur, & perfectionis evangelicæ (quæ in Ecclesia semper floruit) semen jaciatur.



*De inventione inter Doctores.*

1. *Consid.* Quomodo Christus Dominus ipsa sapientia æterna, in contemptibili illa pueri ætacula, delitescens, magna cum humilitate, modestia, ac sapientia, in medio Doctorum, responsis ac interrogationibus aptissimis admirationem moveat.

2. *Consid.* Quomodo idem Dominus post triduum in templo, à parentibus mœrore oppressis, ac cum iisdem summa humilitate atque obedientia descenderit in Nazareth.

*Applicatio.* Si nunc in SS. Eucharistia dignatur ingredi in corda fidelium, tanquam magister magistrorum, & Doctor Doctorum :: docens legem perfectionis eum summa admiratione audientium verba, quæ internè illis loquitur: & qui illum ibi cum lachrymis quæserit, inveniet eum, secumque deducet domum, ut habeat comitem suæ peregrinationis in hac misera

vita.

R 7

VI. DIE

DIE



## VI. DIE SABBATHO.

*De Baptismo Christi.*

1. *Consid.* Quomodo *Agnus Dei*.  
Joan. 1. purissimus venerit ad Joannem  
humanitate tectus, tanquam peccator  
aqua perfusus sit.

2. *Consid.* Quomodo cœli statim a-  
perti sint, & Spiritus S. in columbæ  
specie descendente, vox Patris audita  
est. Matth. 3. *Hic est filius meus dilectus,*  
*in quo mihi bene complacui.*

*Applicatio.* Non aliter nunc in Missa  
Christo speciebus panis ac vini tecto,  
atque ad nos descendente, aperiuntur  
cœli, ut dona cœlestia in nos effundan-  
tur, ac pater cœlestis, illustrationis suæ  
voce testatur, hunc esse filium unigeni-  
tum, propter quem alii adoptivi dili-  
guntur.

---

PRO TRIBUS SEPTAMANIS  
à Septuagesima ad Quinquage-  
simam.

**P**oterunt hoc tempore considerari 7.  
convivia Christi, quibus repræsen-  
tantur